

ԺԱՄԱՆԱԿԱԿՈՒՅ ՆԵՈՔՈՄԻՉՄԻ ԻՄԱՏՈՒԹՅԱՆ
ՏԵՍՈՒԹՅԱՆ ՔՆՆԱԴԱՏՈՒԹՅՈՒՆԸ

ՀԱՎԱՐՇ ԱԶՆԱՌԻՅԱՆ

ՍՄԿԿ XXV համագումարում է. Ի. Բրեժնևը խոսելով աճող ու դարգացող սոցիալիզմի և իր դարն ապրած կոսպիտալիզմի միջև ընթացող զաղափարական հակամարտ պայքարի մասին, ասել է. «Ներկու աշխարհայացքների պայքարում չի կարող տեղ լինել շեղություն ու կոմպրոմիսների համար... հարկավոր է ժամանակին հակահարված հասցնել թշնամական զաղափարական դիվերսիաներին»¹:

Հակակոմունիզմը ժամանակակից իմպերիալիստական բուրժուազիայի քաղաքականությունն ու զաղափարախոսությունն է, նրա հիմնական դեմքերն ուղղված է մարքս-լենինյան տեսության, ՍՄՀՄ-ի և սոցիալիստական երկրների համագործակցության, բանվորական ու ազգային-ազատագրական շարժումների դեմ: Իմպերիալիզմի հակակոմունիստական «... քաղաքական և զաղափարախոսական զինանոցում հարաճուն նշանակություն է ձեռք բերում կղերականությունը... Ստեղծելով իր արհմիութենական, երիտասարդական, կանանց և այլ կազմակերպությունները, կղերատությունը պառակտում է բանվոր դասակարգի շարքերը, աշխատավորների շարքերը»²:

Մարքս-լենինյան տեսության և կոմունիստական զաղափարախոսության դեմ բուրժուազիայի պայքարում կաթոլիկ եկեղեցին և նրա կենտրոն Վատիկանը կարևոր դեր են խաղում: Նրանք ունեն իրենց քաղաքական կուսակցությունները, տասնյակ միլիոն տպաքանակով հյուստարակվող թերթեր, ամսագրեր, բազմաթիվ «գիտական» և ուսումնական հաստատություններ, համալսարաններ և նույնիսկ «գիտությունների ակադեմիաներ»: Վատիկանն ունի իր պաշտոնական փիլիսոփայությունը, որը նեոթոմիզմ կամ նեոսխոլաստիկա է կոչվում: Այս ուղղության ներկայացուցիչները զանազան «նոր» ձևերով պրոպագանդում են միջնադարյան սխոլաստիկայի խոշորագույն ներկայացուցիչ Թոմա Աքվինացու ուսմունքը: Նեոթոմիստներն իրենց փիլիսոփայությունն անվանում են «համամարդկային», «դեմոկրատական» և «անկուսակցական», իսկ իրենց նեոոեալիստներ կամ ֆենադատական ռեալիստներ են համարում:

Ժամանակակից Վատիկանը հասկանում է, որ գիտության և տեխնիկայի զարգացման դարաշրջանում նրա փիլիսոփայությունը սլետք է ստեղծի այնպիսի իմացության տեսություն, որը, թեկուզև աղճատված ձևով, ընդգրկի գիտական իմացության որոշ տարրեր: Նեոթոմիստական իմացության «նոր» տեսությունը ձևակերպվեց Հռոմի Պիոս XII պապի, այսպես կոչված, «պապական գիտությունների ակադեմիայում» ունեցած ելույթից հետո, ուր նա

1 ՍՄԿԿ XXV համագումարի ելույթերը, Երևան, 1976, էջ 111:

2 ՍՄԿԿ ծրագիրը և կանոնագրությունը, Երևան, 1964, էջ 65:

ասաց. «Զի կարելի ասել, որ բնությունն ինքնըստինքյան անճանաչելի է... Այ, բնությունն իրականություն է, ըստ որում ճանաչելի իրականություն... Իրերի շարժումը նրա նկատմամբ մեր մեջ պատկերներ է առաջացնում»³, Նեոթոմիստ Մարիտենը պապի այս ելույթից ոգևորված բացականչել է, թե բանականությունն այժմ պետք է պայքարի իրացիոնալիզմի դեմ, իսկ նրա կոնգա՝ աստվածաբան Ժիլսոնը հայտարարեց, որ աշխարհում անճանաչելի իրեր գոյություն չունեն:

Հայտնի է, որ մարքսիզմ-լենինիզմի դասականները փիլիսոփայության հիմնական հարցի երկրորդ կողմը համարում են աշխարհի ճանաչելիության խնդիրը: Որպես օրինաչափություն, բոլոր դարաշրջանների մատերիալիստներն ընդունել և ընդունում են ոչ միայն աշխարհի ունալ գոյությունը, այլև նրանում գոյություն ունեցող իրերի, առարկաների ու երևույթների ճանաչման հնարավորությունը մարդու կողմից: Դրան հակառակ, իդեալիստներն այս կամ այն կերպ ժխտել են մարդու կողմից աշխարհի ճանաչման հնարավորությունը: Վ. Ի. Լենինը «Փիլիսոփայական տետրերում» քննադատելով փիլիսոփայական իդեալիզմը, համառոտակի շարադրել է իմացության ընթացքի մասին մարքս-լենինյան ուսմունքը: Նա գտնում է, որ մարդկային իմացությունը կենդանի հայեցողությունից անցնում է դեպի աբստրակտ մտածություն և այնտեղից էլ դեպի պրակտիկա: Այսպիսին է օբյեկտիվ ռեալության իմացության դիալեկտիկական ուղին:

Ժամանակակից նեոթոմիզմն իր իմացության տեսությունը մկրտում է «գնեսեոլոգիա», «քննադատական էպիստոմիոլոգիա», «տրամաբանական էպիստոմիոլոգիա» և այլ անուններով: Սակայն խնդիրը ոչ թե անվանման, այլ նրա բովանդակության էության մեջ է, որովհետև նեոթոմիստական գնեսեոլոգիան, ելնելով քրիստոնեական կրոնի դրույթներից, թերագնահատում է իսկական դիտական իմացության դերն ու նշանակությունը: Նեոթոմիզմը գտնում է, որ մարդը գիտության միջոցով չի կարող ճանաչել աստված, սուրբ հոգի, դրախտ, դժոխք, մեռելների հարություն, անը դատաստան և այլ հասկացություններ: Գիտությունը և գիտական իմացությունը չեն կարող հաստատել հրեշտակների, դեերի և սատանաների գոյությունը: Հետևաբար, ժամանակակից գիտությունը թույլ է, անզոր և առանց կրոնի օգնության այն ոչ մի արժեք չունի: Նեոթոմիստ Մարիտենն այդ կապակցությամբ գրել է. «Առանց Հովհաննես Մկրտչի մարսիմոմի, աշխարհում չի լինի ո՛չ իմացություն, ո՛չ գիտություն, ո՛չ հանգիստ, ո՛չ ուրախություն, ո՛չ ազնվություն, ո՛չ անվտանգություն, ո՛չ ազատություն, ո՛չ փառք և ոչ էլ բարություն»⁴:

Հայտնի է, որ յուրաքանչյուր իմացության տեսություն սերտորեն կապված է տվյալ փիլիսոփայության հիմնական, աշխարհայացքային հարցի հետ՝ հանդիսանալով նրա երկրորդ կողմը: Այս հիմնական դրույթից ելնելով, Վ. Ի. Լենինը գրել է. «Աշխարհը մատերիալի օրինաչափ շարժումն է, և մեր իմացությունը՝ բնության բարձրագույն արգասիքը լինելով, ի վիճակի

³ «Современные религиозно-философские течения в странах капитала», М. 1962, с. 337.

⁴ Maritain, *Destinur pur Inur...*, Paris, 1946, p. 122.

է միայն արտացոլել այդ օրինաչափությունը⁵։ Մարքս-լենինյան փիլիսոփայությունը հիմք ընդունելով լենինյան արտացոլման տեսությունը, ստեղծել է իմացության և աշխարհի ճանաչման մասին իր կոու մատենաբախտական ուսմունքը։

Նեոթոմիզմի ներկայացուցիչներն ու տեսաբաններն աշխատում են իրենց իմացության տեսության բոլոր հարցերը բխեցնել կրոնական-քրիստոնեական գաղափարախոսությունից։ Ի՞նչ է իմացությունը հարցին նրանք պատասխանում են, որ այն աստծու կողմից մարդուն տրված մենաշնորհ է, որովհետև կենդանիները զրկված են դրանից։ Այդ մենաշնորհով աստված ի սկզբանե՝ նախահայր Ադամին և նախամայր Եվային հաղորդած պատվիրանով, նեղ և սահմանափակ իմացության հնարավորություն է տվել մարդուն։

Մեթոծելով պոզիտիվիզմն ու նեոպոզիտիվիզմը, համարելով դրանք «գոեհիկ էմպիրիա», նեոթոմիստները շեն խորշում պոզիտիվիզմից վերցնել նրա իմացության տեսության սխեման և յուրովի օգտագործել այն։ Հայտնի է, որ պոզիտիվիզմի հիմնադիր Կոնտը գտնում էր, որ մարդկային իմացությունը երեք փուլ ունի։ Առաջինը՝ կրոնական-աստվածաբանականն է, որը մարդկային իմացության ստորին աստիճանն է, միջինը՝ տրամաբանական-գիտականը, իսկ երրորդը՝ ամենաբարձրը՝ պոզիտիվիստականը։ Նեոթոմիստները վերցնելով պոզիտիվիզմի իմացության տեսության այս սխեման, այն օգտագործել են հակառակ ուղղությամբ։ Նրանց իմացության տեսության մեջ գիտականը ստորինն է, տրամաբանական-փիլիսոփայականը՝ միջինը, և վերջապես, իմացության ամենաբարձր աստիճանը՝ կրոնական աստվածահայտնությունները։

Իսկ ի՞նչ դեր են կատարում մարդկային իմացության պրոցեսում նրա զգայությունները։ Նեոթոմիստների հոգևոր հայր Խոմա Աբվինացին զգայական իմացության գերի մասին հետևյալն է ասել. «Մեր բնական իմացությունն առաջանում է զգայություններից», կամ «Մեր բնական իմացությունը սկիզբ է առնում զգայություններից»⁶։

Զգայություններով օժտված են նաև կենդանիները։ Արդյոք տարբերություն կա մարդկային և կենդանական զգայական իմացության միջև։ Խոմա Աբվինացին այդ հարցին պատասխանում է այսպես. «Ձեռքի ընկալման հարցում մարդու և մյուս կենդանի արարածների միջև ոչ մի տարբերություն գոյություն չունի։ Ծվ այստեղ, և այնտեղ ընկալման ենթակա օբյեկտի կողմից փոփոխություններ են կատարվում⁷։ Նույնացնելով մարդկանց ու կենդանիների զգայությունները և նրանց կողմից ընկալվող առարկաների ու երևույթների ձևերը, Խոմա Աբվինացին նսեմացնում, սահմանափակում էր մարդկային զգայական իմացության դերը, այն հավասարեցնում կենդանիների զգայություններին, նա գտնում էր, որ զգայությունները մարդուն տալիս են րտաբին աշխարհի իրերի և առարկաների զգայական պատկերները միայն, որոնք պատահական բնույթ ունեն։ Իսկ բնության երևույթների և աշխարհում

5 Վ. Ի. Լենին, ՆԺժ, հ. 18, էջ 213։

⁶ Thomas Aquinas, Summa Theologica, 1864, Paris, P. 1, q. 84, a. 4.

⁷ Նույն աղբյուր, q. 78, a. 4.

գոյություն ունեցող իրերի ու առարկաների իմացությունը, նրանց ճանաչումը յուրահատուկ է միայն աստծուն:

Ելնելով Թոմա Արվինացու այս դրույթից, Նեոթոմիզմը շարադրում է իր տեսակետը զգայական իմացության մասին: Նա գտնում է, որ իրերի և առարկաների զգայական ձևերը գոյություն ունեն մարդկային իմացությունից առաջ, և մարդն օգտվելով այդ նախնական զգայական ձևերից, իրերին և առարկաներին անուններ է տալիս: Հետևաբար, նա ճանաչում է աշխարհի իրերի ու առարկաների արտաքին, պատահական ձևերը միայն, բայց ոչ դրանց բովանդակությունը, որովհետև այդ ամենը դուրս են մնում մարդկային իմացության սահմաններից: Լյուպիսին է Նեոթոմիստական սենսուալիզմը:

Իր հանճարեղ «Մատերիալիզմ և էմպիրիոկրիտիցիզմ» աշխատության մեջ Վ. Ի. Լենինը ցույց է տվել, որ գոյություն ունեն սենսուալիզմի տարբեր ձևեր, որ և՛ մատերիալիստ Դիդրոն, և՛ սուբյեկտիվ իդեալիստ Բերկլին սերվում են անզիական մատերիալիստ Զոն Լոկի սենսուալիզմից: Ժամանակակից Նեոթոմիզմը զգայական իմացության գնահատության հարցում սերվում է սուբյեկտիվ իդեալիստ Բերկլիի ուսմունքից և պաշտպանում է հակագիտական այն տեսակետը, որ մարդկային զգայությունները ռեալ իրականություն չեն արտացոլում:

Իմացության տեսության բնագավառում զգայականի դերի մասին Վ. Ի. Լենինը գրել է. «Իմացության տեսության առաջին նախադրյալը, անտարակույս, այն է, որ մեր գիտելիքների միակ աղբյուրը զգայություններն են... Զգայություններից ելնելով՝ կարելի է գնալ սուբյեկտիվիզմի գծով, որը հասցնում է սուբյալիզմի (ամարմիններն զգայությունների կոմպլեքսներ կամ կոմբինացիաներ են)», և կարելի է գնալ օբյեկտիվիզմի գծով, որը հասցնում է մատերիալիզմի (զգայությունները մարմինների, արտաքին աշխարհի պատկերներն են)⁸ Իսկ իդեալիստական փիլիսոփայության կողմից զգայական իմացության դերին ու նշանակությանը տրվող գնահատականի մասին խոսելիս, Վ. Ի. Լենինը մատնանշել է. «Իդեալիստական փիլիսոփայության սուբստությունն այն է, որ զգայությունը համարվում է ոչ թե գիտակցության կապ արտաքին աշխարհի հետ, այլ միջնորմ, պատ, որը բաժանում է գիտակցությունն արտաքին աշխարհից... Հենց այսպիսին է Նեոթոմիստների տեսակետը զգայական իմացության դերի մասին: Նրանց կարծիքով, թեպետ առարկաների, իրերի և երևույթների զգայական պատկերները դրանցից առաջ և կանխապես աստծու կողմից տրված են մարդուն, սակայն այդ զգայություններն աշխարհի մասին ռեալ պատկերացում տալ չեն կարող և դրանց միջոցով մարդը կարող է միայն պատահական պատկերներ ընկալել:

Սրանով էլ սահմանափակվում է զգայական իմացության դերը Նեոթոմիստական գնեսոլոգիայում:

Մարդկային իմացությունը պրոցես է, այն անվերջ մոտեցում է աշխարհի իրերին, առարկաներին, երևույթներին և հասարակական հարաբերություններին: Իմացությունը ձգտում է հասնել գրանցում գոյություն ունեցող շարժման, փոփոխման և զարգացման օրինաչափությունների հայտնագործմանն ու ճանաչմանը: Սկսվելով զգայականից, մարդկային իմացությունը չի

8 Վ. Ի. Լենին, ԵԺԺ, հ. 18, էջ 154:

9 Վ. Ի. Լենին, ԵԺԺ, հ. 18, էջ 53:

սահմանափակվում միայն նրա տված տվյալներով, նա անցնում է առաջ դեպի միջնորդավորված և ընդհանրացված արտարկտ մտածութիւն, որն ամփոփելով զգայականից ստացված տվյալները, ստեղծում է հասկացութիւններ, որոնք տրամաբանորեն արտացոլվում են իրերի, առարկաների և երևոյթների միջև գոյութիւն ունեցող ընդհանուր հասկացութիւնների ձեռք: Մարդկային իմացութիւնը հասկացութիւնների միջև գոյութիւն ունեցող կապերի միջոցով ստեղծում է դատողութիւններ, իսկ վերջիններս՝ կապի և կապակցութեան օգնութեամբ, մտահանգումներ: Բարձր արտարկտ հասկացութիւնները, որոնք արտացոլում են բնութեան կամ հասարակութեան ընդհանուր բնույթի օրինաչափութիւնները, կոչվում են փիլիսոփայական կամ տրամաբանական կատեգորիաներ: Այսպիսին են արտարկտ մտածութեան դերն ու նշանակութիւնը իմացութեան տեսութեան մեջ: Այս մասին վ. Ի. Լենինը գրել է. «Մտածողութիւնը, վերընթանալով կոնկրետից դեպի արտարկտը, չի հեռանում—եթէ այն ճիշտ է...—ճշմարտութիւնից. այլ մոտենում է դրան: Մատենայի, բնութեան օրենքի, արտարկցիան, արժեքի արտարկցիան և այլն, մի խոսքով՝ բոլոր գիտական (ճիշտ, լուրջ, ոչ-անհեթեթ) արտարկցիաները բնութիւնն ավելի խորն են արտացոլում, ավելի ճիշտ, ավելի լրիվ»¹⁰:

Նեոթոմիստների նախահայր Թոմա Աքվինացին արտարկտ մտածութիւնը աստծու կողմից մարդուն տրված հոգու կամ ինտելեկտի շնորհ էր համարում: Նա գտնում էր, որ արտարկտ մտածութեան ձեւերը մարդկային ինտելեկտի երեւակայութեան աբզուրք են: Այդ պատճառով էլ «հոգու իմացական հնարավորութիւնը համարելով ինտելեկտը», նա արտարկցիաները մարմնական օրգանների հետ կապված գործողութիւն չի համարում: Ուրեմն, ըստ Թոմա Աքվինացու, իմացութեան արտարկտ ձեւը մարդկային հոգու կամ ինտելեկտի զուտ վերացական բնույթի հատկութիւնն է: Եվ քանի որ մարդը որպէս ստորադաս արարած աստծու ստեղծածն է, ուստի նրա հետ չի կարող համեմատվել: Հետեւաբար, նրան հատուկ չէ նաև արտարկտ մտածութիւնը, նա հենց այդպէս էլ գրել է. «Իմացութիւնն ամենից առաջ աստծու ընդդէմէ հատկութիւնն է, և անվայել՝ ամեն տեսակի ստորադաս արարածի համար»¹¹:

Նեոթոմիզմը նույնպէս մետաֆիզիկորեն պատնեշ է ստեղծում զգայական և ռացիոնալ իմացութեան միջև: Նա գտնում է, որ ռացիոնալ իմացութիւնը կարող է միայն այս կամ այն հիպոթեզները ստեղծել, բայց նա անզոր է ճանաչելու աշխարհի իրերը, առարկաները, երևոյթները և մարդկային հասարակական հարաբերութիւնները: Ինչ խոսք, որ սա մեծ տուրք է այն ազնոստիցիդին, որի դեմ, ըստ նեոթոմիզմի ներկայացուցիչներ Մարիտենի ու Ժիլսոնի հայտարարութեան, պետք է իրենք պայքարեն: Սակայն նրանք ոչ թէ անփութութեան կամ զանցառութեան հետեւանքով են ազնոստիցիզմին տուրք տալիս, այլ գիտակցաբար, որպէսզի ցույց տան դիտութեան ու գիտական իմացութեան անզորութիւնը և կրօնական դոգմաների հզորութիւնն ու կատարյալութիւնը:

Նեոթոմիզմի տեսաբան, արեւմտագերմանացի արքեպիսկոպոս Շպյուլբեկը, խոսելով դիտութեան և գիտական իմացութեան նվաճումների մասին,

¹⁰ Վ. Ի. Լենին, Երկեր, հ. 38, էջ 204—205:

¹¹ Thomas Aquinas, Summa Contra Gentiles, L. II, „Brusselx“, 1861, c. 85:

որոնք սույառնում են կրոնական հավատալիքների գոյությանը, իրեն և իր կոլեգաներին մխիթարում է նրանով, որ իբր դիտության և գիտական իմացության նվաճումները դեռևս բավական չեն, որպեսզի լիովին հաղթահարեն կրոնի գոյությունը:

Հայտնի է, որ մարդկային իմացության ճշտության, նրա կատարած եղբարակացությունների հավաստիության հարցը կարևոր տեղ է դրավում իմացության տեսության մեջ: Մարքսիզմ-լենինիզմը գտնում է, որ մարդկային իմացությունը կյանքից կտրված, ինչ-որ դուր տրամաբանական բնույթ կրող վերացական հարց չէ: Կ. Մարքսն իր «Ֆոյբրբախի մասին» թեզիսներում գրել է. «Այն հարցը, թե մարդկային մտածությունն առարկայական ճշտություն ունի», ամենևին էլ տեսական հարց չէ, այլ՝ զոտոնական հարց է: Մարդը պրակտիկայում պետք է ապացուցի իր մտածության քաղմակողմանիությունը, այսինքն նրա իրականությունը և ուժը»¹²:

Իսկ ինչպե՞ս է լուծում իմացության համար այդ անչափ կարևոր նշանակություն ունեցող հարցը նեոթոմիզմը:

Նեոթոմիզմի նախահայր Թոմա Աքվինացին ամեն կարգի իմացության հիմնական խնդիրը աստծու ճանաչումն էր համարում, իսկ ամեն տեսակի իմացության ճշտության չափանիշը՝ այն, թե ինչ չափով է այդ ճանաչումը համընկնում կրոնական հավատալիքներին ու դոգմաներին: Չնայած Թոմա Աքվինացու դարաշրջանը վաղուց անցել է, սակայն նրա հետևորդ նեոթոմիստները նույնպես իմացության ամենաբարձր աստիճանը աստվածաճանաչումն են համարում, և նրանց կարծիքով մարդու կողմից ստեղծված բոլոր հիպոթեզները կարող են ստուգվել միայն աստվածային ճշմարտության միջոցով: Այսինքն՝ մարդկային իմացության ճշտությունը պետք է ստուգվի նրանով, թե նրա եզրակացությունները արդյոք համընկնո՞ւմ են կրոնական դոգմաներին, թե՞ ոչ:

Ինչպես տեսնում ենք, իմացության իրենց տեսությամբ էլ «սուրբ» Թոմայից առաջ չեն անցել նրա հետևորդները: Սակայն ընդունելով Աքվինացու մեծ հեղինակությունն այս հարցում, նրանք որոշ «նորամուծություն» են կատարում: Նեոթոմիստները գտնում են, որ հասարակ և առօրյա ճշմարտությունների չափանիշը կարող է լինել աստծու կողմից մարդուն տված բանականությունը, բայց ճշմարտության թարծրագույն» ձևեր հանդիսացող կրոնական դոգմաների հավաստիությունը մարդկային թույլ և անզոր բանականությունը չի կարող ո՛չ հասկանալ, ո՛չ էլ հաստատել: Այդպիսի ճշմարտություններ են, օրինակ, աստծու, Քրիստոսի, հրեշտակների, դեերի, սատանաների, Հիսուսի հարության, երկինք համբառնալու, դրախտի, դժոխքի, մեռելների հարության, անգղ զատաստանի ու այլ կարգի կրոնական դոգմաներ, որոնք ոչ մի գիտական տեսությամբ չի կարելի հաստատել: Իսկ դրանք, ինչպես դիտենք, կրոնական դոգմաներում զլխուվորն ու հիմնականն են:

Նեոթոմիստներ Մարիտներ, Ժիլսոն, Ֆրաբուրգի կաթոլիկական համալսարանի ռեկտոր Բոնենսկին, նեոթոմիստական «տեսաբան», սովետական զաղափարախոսության «մասնագետ», «քննադատ» Գուստավ Վետտերը և ուրիշներ, մշակելով նեոթոմիզմի իմացության տեսությունը, առաջարկում են ճշմարտության հասնելու շղթա ձև: Առաջինը՝ առօրյա մարդկային իմա-

¹² К. Маркс и Ф. Энгельс, Соч., т. 3, с. 1.

ցութեան փորձնական փուլն է, որին մարդը հասնում է աստծու կողմից իրեն տրված բանականութեան շնորհիւ: Սա ճշմարտութեան հասնելու ամենացածր ֆիզիկական կամ բարբարոսական ձևն է: Երկրորդ գիտական կամ մաթեմատիկական ձևն է, որը կատարվում է զգայականից ստացված տվյալների ամփոփման միջոցով: Երրորդ փիլիսոփայական կամ, նեոթոմիստական տերմինով ասած, մետաֆիզիկական ձևն է: Չորրորդ՝ ամենարարժր աստիճանը, կրոնական-աստվածայինն է: Իմացութեան տեսութեան նեոթոմիստական այս ուսմունքի հեղինակները ոչ մի նոր բան չեն ավելացնում Բոմա Լքվինացու իմացութեան տեսութեանը: Վերջինս լինելով Լորիստոտելի իմացութեան տեսութունից, նրանից վերցրել է իմացութեան տեխնիկ, Լմպլիւիա, Լպլիստեմիա, սոֆիա փուլերը և դրանք օգտագործել իր իմացութեան տեսութունը կառուցելիս՝ միայն այն տարբերությամբ, որ Ստագիրացու սոֆիա (իմաստութեան) տերմինը նա փոխարինել է կրոնական-աստվածաբանական իմաստութեամբ:

Իմացութեան տեսութեանն այս տեսանկյունից մոտենալով, Մարիտենը գտնում է, որ ամենևին էլ անհրաժեշտ չէ, որպեսզի մարդն իմացութեան պրոցեսում օգտվի իր զգայարանների՝ տեսողութեան, լսողութեան, հոտառութեան, շոշափելիքի և ճաշակելիքի տվյալներից: Նա գրում է, որ մարդկային իմացութունը պետք է լինի ռեսոնդականից և զգայականից բացարձակապես զտված միտք»¹³:

Որպես Վատիկանի պաշտոնական փիլիսոփաներ, եկեղեցու ղեկավարների հետ միասին, նեոթոմիստները գտնում են, որ այժմ աշխարհում (խոսքը, իհարկե, կապիտալիստական աշխարհի մասին է) ոչ միայն տնտեսական ու քաղաքական, այլև հոգևոր ճգնաժամ է տիրում: Իսկ, անշուշտ, այն ճգնաժամն է, որ աթեիզմի զանգվածային ծավալման հետևանքով ապրում է նաև կրոնական-քրիստոնեական գաղափարախոսութեանը: Այդ վիճակը 1960 թ. նշեց նաև Հոռմի պապ Իոհան XXIII-ը իր «Veritas» հատուկ էնցիկլիկով (կոնդակով):

Կոնդակի հրապարակումից շուրս տարի անց Լուվենա (Բելգիա) քաղաքի կաթոլիկական համալսարանը, Պողոս VI պապի նախաձեռնությամբ, ճշմարտութեան հարցին նվիրված հատուկ կոնգրես հրավիրեց: Նվ կաթոլիկական այդ ժողովը եկավ այն եզրակացութեան, որ կաթոլիկ եկեղեցին, նրա սպասավորներն ու նեոթոմիստ փիլիսոփաները պետք է ավելի եռանդուն պրոպագանդեն քրիստոնեական աստվածային ճշմարտութեանները հավատացյալներին և աթեիստներին շրջանում, որպեսզի բավարարեն «մարդկային ճոզևոր և բարոյական» պահանջմունքները: Նման որոշումն, ինչ խոսք, կաթոլիկ եկեղեցու ղեկավարութեան և նրա նեոթոմիստ փիլիսոփաների հերթական դիվանագիտական քայլն էր: Կասկած չկա, որ կապիտալի աշխարհի աշխատավորների համար ներկայումս կարևորը նյութական կյանքի պայմանների բարելավումն է և առաջին հերթին տասնյակ միլիոնների հասնող գործազուրկների բանակի ժողովրդական զանգվածների աղքատութեան, ռասսայական խտրութեանների վերացումը և այլն: Սակայն այս ամենը դուրս են մնում կաթոլիկ եկեղեցու և նրա նեոթոմիստ փիլիսոփաների տեսադաշտից: Մի՞թե

¹³ Maritain, նշվ. աշխ., էջ 122,

նրանք կարող են աստվածային բնույթից զուրկ նման «հասարակ» և «ուշադրության անարժան» հարցերով զբաղվել:

Համառոտակի այսպիսին է կաթոլիկ եկեղեցու կենտրոն՝ վատիկանի պաշտոնական փյւլիսոփայության՝ նեոթոմիզմի իմացության տեսությունը: Իրենց իմացության տեսությամբ ժամանակակից նեոթոմիստները հանդես են գալիս կրոնական հակակոմունիզմի զործուն ուժերից մեկի դերում և իմպերիալիստական բուրժուազիայի մյուս դադափարախոսների հետ միասին աշխատում են հենարան լինել կապիտալիզմի խարխլվող շենքի պահպանման համար:

КРИТИКА ТЕОРИИ ПОЗНАНИЯ СОВРЕМЕННОГО НЕОТОМИЗМА

ШАВАРШ АЗНАУРЯН

Резюме

В области теории познания современный неотомизм защищает основные положения средневекового католического теолога Фомы Аквинского. В своей теории познания неотомизм третирует как чувственное познание, так и научные абстракции и не признает практику в качестве критерия познания, считая основной задачей всякого познания—познание бога и божественных истин. В вопросах теории познания неотомизм выступает как злейший враг марксистско-ленинской научной теории познания, как представитель религиозного антикоммунизма.